



PEMBANGUNAN
(1957 — 1968)

MELAKA SEKARANG







Utusan daripada Y.A.B. Timbalan Perdana Menteri Malaysia

Dalam masa sepuluh tahun yang lalu kita telah menempoh satu zaman yang penuh dengan kemajuan dan chabaran di-dalam serba lapangan kegiatan2 ra'ayat negara ini. Kerajaan Perikatan telah melancarkan Ranchangan2 untuk memperbaiki lagi taraf hidup ra'ayat yang dudok di-merata kawasan luar bandar dan bagi memperkukoh lagi asas2 ekonomi negara ini.

Di-bawah Ranchangan2 Pembangunan yang di-ranchangkan dan di-laksanakan oleh Kerajaan Perikatan itu, beratus2 ribu tanah baru telah di-buka dan di-tanam dengan kelapa sawit dan getah2 baka yang baik. Beribu2 ekar tanah sawah padi telah mendapat bekalan ayer yang sempurna dan telah boleh di-gunakan bagi tanaman padi dua kali sa-tahun. Beratus2 batu jalan2 baru, bilek2 sekolah, rumah2 bidan dan lain2 kemudahan untuk ra'ayat telah juga di-laksanakan di-bawah Ranchangan2 Pembangunan itu. Kejayaan2 yang telah di-chapai oleh negara ini dalam lapangan Pembangunan ada-lah membanggakan kita semua ra'ayat Malaysia. Tambahan pula kejayaan2 itu telah di-perolehi melalui perdampingan yang rapat dan persefahaman yang erat di-antara Kerajaan Perikatan dengan ra'ayat.


Buku Pembangunan Negeri Melaka ini 'mencheritakan' kejayaan2 yang di-chapai oleh Negeri dan ra'ayat Melaka di-dalam lapangan pembangunan. Buku ini juga 'mencheritakan' bukan sahaja hasil2 ranchangan2 yang telah di-jalankan di-Negeri Melaka tetapi juga memboktikan keazaman dan ketekunan pegawai2 Kerajaan di-dalam melaksanakan kewajipan2 mereka. Ia-nya juga menunjukkan sumbangan2 yang positive yang di-berikan oleh wakil2 ra'ayat dan juga ra'ayat Negeri Melaka sekalian kepada Jawatankuasa Pembangunan Luar Bandar Negeri Melaka dan juga Jawatankuasa2 Pembangunan Daerah. Saya menguchapkan sa-tinggi2 tahniah atas kejayaan2 yang di-chapai oleh Negeri Melaka itu.

Saya perchaya kejayaan2 tersebut ada-lah memberi durongan dan galakkan kepada Kerajaan dan ra'ayat bergerak dengan lebeh chergas lagi menuju ka-arrah mat'lamat2 Ranchangan2 pembangunan kita.

Sebagai menjujong amanah ra'ayat negara kita yang muda dan yang sedang menempoh zaman kemajuan, pehak Kerajaan Perikatan ada-lah sentiasa berusaha dengan azam-nva bagi mengadakan kemudahan2 untuk ra'ayat dengan tujuan hendak menambahkan lagi rasta-pencharian mereka dan juga meninggikan lagi taraf hidup mereka. Tujuan yang besar ini hanya boleh di-chapai dengan ada-nya ra'ayat yang bersatu-padu dan yang berpegang tegoh kepada semangat JAYADIRI, ia-itu satu semangat yang berkehendakan ra'ayat sendiri berdiri di-atas kaki mereka sendiri, berusaha dengan sapenoh-nya dan mengambil peluang2 yang ada, dan bertanggung-jawab kepada kewajipan2 mereka sendiri. JAYADIRI ada-lah satu semangat yang terbit dari keinginan dan keazaman sa-saorang ra'ayat negara ini hendak menchapai kemajuan dengan menggunakan pengetahuan2 dan alat2 moden dengan usaha dan tenaga mereka sendiri.

Saya perchaya dengan ada-nya pimpinan yang chergas dan jujur dari pehak Kerajaan dan kerjasama yang erat dari segenap lapisan ra'ayat seperti yang berwujud pada hari ini, kita akan dapat menjadikan JAYADIRI satu daya pendorong yang kuat bagi kita menghadapi segala chabaran dan mendorong kita semua menchapai kejayaan2 yang lebeh besar di-dalam serba lapangan pembangunan.

SELAMAT MAJU JAYA



(TUN HAJI ABDUL RAZAK BIN HUSSEIN)